

## Mensahe 2

### **Nidangat sa Kinahabogang Punto sa Diosnong Pinadayag**

Basahong Kasulatan: 1 Tim. 1:4; Efe. 1:10; 3:9; Rom. 1:3-4

#### **I. Ang kinahabogang punto sa diosnong pinadayag nga gihatag sa Dios kanato mao ang pinadayag sa walay kataposang pamatigayon sa Dios—nahimong tawo ang Dios aron mahimong Dios ang tawo sa kinabuhi ug kinaiya apan dili sa ranggo sa pagka-Dios:**

- A. Ang tibuok Biblia, nga pagpatin-aw sa walay kataposang pamatigayon sa Dios, mao ang awtobiyograpiya sa Tulo-usang Dios, nga makita sa duha ka seksyon sa eternidad ug sa tulay sa panahon:
1. Nianhi ang Tulo-usang Dios gikan sa eternidad nganha sa panahon ug uban sa Iyang pagkadios aron mosulod sa tawo ug mahimong Dios nga nagpakatawo aron direkta Siyang molihok sa tawo, nga makita sa upat ka Ebanghelyo, aron matuman ang balaodnong katubsanan Niya—Juan 1:14, 29.
  2. Sa pagkabanhaw nahimo Siyang sinakot nga Dios, ang “nahikay” nga Dios, ang malangkobon-sa-tanan nga Espiritung taghatag-og-kinabuhi, nga makita sa Mga Buhat ug Mga Sulat, aron matuman ang organicong kaluwasan Niya—Juan 1:32, 42; 1 Cor. 15:45b; Fil. 1:19.
  3. Sa umalabot nga eternidad mahimo Siyang hiniusang Dios, ang Bag-ong Jerusalem, nga makita sa Bugna 21 ug 22.
  4. Ang unibersohanon, diosnon-tawhanong panagtagik sa nahikay ug nahingpit nga Tulo-usang Dios uban sa gipanganak pag-usab, gitransporma, ug gihimayang mga magtutuo maoy tumong sa walay kataposang pamatigayon sa Dios—Juan 1:51; Bug. 21:3, 22.
  5. Ang sentrong pinadayag sa Dios ug ang pahiuli sa Ginoo mao ang Dios nga nahimong unod, ang unod nga nahimong Espiritung taghatag-og-kinabuhi, ug ang Espiritung taghatag-og-kinabuhi nga nahimong Espiritung gipakusgan sa pito ka pilo aron matukod ang iglesia nga mahimong Lawas ni Cristo ug maghingpit sa Bag-ong Jerusalem.
- B. Ang pagkahimong tawo sa Dios aron mahimong Dios ang tawo sa kinabuhi ug kinaiya apan dili sa ranggo sa pagka-Dios maoy pagkamao sa tibuok Biblia, ang “diamante” nga naa sa “kahon” sa Biblia, ang walay kataposang pamatigayon sa Dios—Gen. 1:26; Juan 12:24; Rom. 8:29:
1. Nahimong tawo ang Dios tungod sa pagpakatawo pinaagi sa pag-ambit sa pagka-tawo sa tawo; nahimong Dios ang tawo tungod sa pagkatransporma pinaagi sa pag-ambit sa pagkadios sa Dios:
    - a. Pag-ambit sa kinabuhi sa Dios—Juan 3:15; Col. 3:4.
    - b. Pag-ambit sa kinaiya sa Dios—Efe. 1:4; 2 Ped. 1:4.
    - c. Pag-ambit sa hunahuna sa Dios—Efe. 4:23; Fil. 2:5.
    - d. Pag-ambit sa pagkamao sa Dios—2 Cor. 3:18b; Efe. 3:8.
    - e. Pag-ambit sa dagway sa Dios—2 Cor. 3:18a; Rom. 8:29.
    - f. Pag-ambit sa himaya sa Dios—v. 30; Heb. 2:10.
    - g. Pag-ambit sa pagkaanak sa Dios—Efe. 1:5; Rom. 8:23.
    - h. Pag-ambit sa pagpadayag sa Dios—v. 19.
    - i. Masama sa Dios—1 Juan 3:2.
    - j. Ma-matang sa Dios—ma-kaliwat sa Dios—Juan 1:12; Rom. 8:14, 16.

2. Kining diosnon-tawhanong paghinigugmaay maoy hisgotanan sa tibuok Biblia, ang sulod sa pamatigayon sa Dios, ug ang sekreto sa tibuok uniberso—A. A. 1:1; 6:13.

**II. Ang habog nga punto sa diosnong pinadayag—ang “diamante” nga naa sa “kahon” sa Biblia—mao ang pinadayag nga nahimong tawo ang Dios diha ni Cristo aron mahimong Dios ang tawo sa kinabuhi ug kinaiya apan dili sa ranggo sa pagka-Dios—2 Sam. 7:12-14a; Rom. 1:3-4; Efe. 3:17a:**

- A. “Kanang nahimong tawo ang Dios ug nahimong Dios ang tawo” mao ang pamatigayon sa Dios—1 Tim. 1:4.
- B. Ang walay kataposang pamatigayon sa Dios pagpasama man sa tawo Kaniya sa kinabuhi ug kinaiya apan dili sa ranggo sa pagka-Dios ug iusa ang Iyang Kaugalingon sa tawo ug ang tawo Kaniya, aron sa ingon niana mapadako ug mapalapad ang Iyang pagpadayag, aron mapadayag sa maayong kagawian sa tawo ang tanang diosnong kaayo Niya—Efe. 3:9; 1:10:
  1. Nahimuot ang Dios nga mausa sa tawo ug masama ang tawo Kaniya sa kinabuhi ug kinaiya apan dili sa ranggo sa pagka-Dios—vv. 5, 9.
  2. Nahimong tawo ang Dios aron makabaton Siyag daghang hulad ug sa ingon niana makapalugwa Siyag bag-ong matang—matang sa Dios-tawo—Juan 1:1, 14; 12:24.
- C. Aron matuman ang pamatigayon sa Dios, gikinahanglan nato ang Dios nga motukod sa Iyang Kaugalingon diha ni Cristo nganhi nato ingon nga kinabuhi, kinaiya, ug pagkaumol nato aron himoon tang Dios sa kinabuhi ug kinaiya apan dili sa ranggo sa pagka-Dios—Efe. 3:17a; Col. 3:4, 10-11.
- D. Nahimong tawo ang Dios pinaagi sa pagpakatawo; mahimong Dios ang tawo pinaagi sa pag-anak pag-usab, pagbalaan, pagbag-o, pagtransporma, pagpasama sa dagway, ug paghimaya—Juan 3:5-6; 1:12-13; Rom. 6:19, 22; 12:2; 8:29-30.

**III. Pinaagi lang sa pagkahimong tawo sa Dios aron himoong Dios ang tawo nga mapalugwa ang Lawas ni Cristo; kining puntoha mao ang habog nga punto sa panan-awong gihatag sa Dios kanato—v. 3; 1:3-4; 8:14; 12:4-5:**

- A. Nahimong tawo ang Dios aron himoong Dios ang tawo ug mapalugwa Niya ang Lawas ni Cristo—ang organismo sa Tulo-usang Dios, ang kinahingpitang pagpadayag nga mao ang Bag-ong Jerusalem—Efe. 1:22-23; 4:4-6; Bug. 21:2, 9-10.
- B. Gipakita sa Biblia kanato unsaon mahimong Dios ang tawo aron magkinabuhi nga Dios-tawo ug sa ingon niana mahimong organismo sa Dios—Rom. 1:3-4; 12:4-5:
  1. Kining organismoha mao ang Dios nga nakig-usa ug nakigsagol sa Iyang Kaugalingon sa tawo aron himoong Dios ang tawo.
  2. Usa ka organismo ang lugwa sa Dios nga nahimong tawo ug sa tawo nga nahimong Dios; kining organismoha mao ang Lawas ni Cristo—ang pagkausa ug pagkasagol sa Dios ug tawo—Efe. 4:4-6, 12.
- C. Gipadala sa Dios ang Iyang Anak aron mahimong tawo ug magkinabuhi nga Dios-tawo pinaagi sa diosnong kinabuhi; mosangpot kining pagkinabuhia sa usa ka unibersohanong tawo nga sama gyod Niya—usa ka hiniusang tawo nga nagkinabuhi nga Dios-tawo pinaagi sa diosnong kinabuhi—Rom. 8:3; 12:4-5.
- D. Ang realidad sa Lawas ni Cristo mao ang pagkausa ug pagkasagol sa Dios ug tawo aron magkinabuhi nga hiniusang Dios-tawo—Efe. 4:4-6, 24.